



**Republika e Kosovës**  
**Republika Kosova - Kosova**  
**Cumhuriyeti**



**Komuna e Prizrenit**  
**Opština Prizren – Prizren Belediyesi**

***Drejtoria e Kulturës, Rinisë dhe Sportit***

*Prizren, 27.09.2022*

Drejtoria për Kulturë, Rini dhe Sport në Komunën e Prizrenit, u bën:

***THIRRJE PUBLIKE***

1. Për të gjitha Organizatat Jo-Qeveritare të regjistruara në Republikën e Kosovës, programi i punës i cili është i fokusuar në fushën e kulturës, rinisë dhe sportit, dhe që përfshijnë aktivitete të realizuara në Komunën e Prizrenit, të aplikojnë për mbështetje financiare:

***Në fushën e kulturës:***

U dedikohet organizatave kulturore që zhvillojnë dhe organizojnë aktivitete të ndryshme kulturore dhe festivale me karakter afatshkurtër në nivelin komunal.

Aktivitete që kanë për qëllim pasurimin e kalendarit vjetor kulturor të qytetit, aktivitete që kontribuojnë në shumëllojshmërinë artistike dhe aktivitete që begatojnë jetën e komuniteteve në fushën e kulturës.

### **Synimet specifike:**

- *Manifestime:* Shënimi i datave historike, shënimi i festave kombëtare dhe ndërkombëtare dhe shënimi i datave të tjera me rëndësi në Komunën e Prizrenit;
- Mbështetja e aktiviteteve vjetore të organizatave dhe operatorëve kulturor;
- *Muzikë:* Kompozimi i veprës së re, audio incizim, koncert, fuqizimi i muzikantëve të rinj;
- *Shoqëritë Kulturore - Artistike:* Mbështetje e aktiviteteve në promovimin e krijimtarisë lokale artistike, shënimi i datave historike kombëtare dhe ndërkombëtare dhe datave tjera me rëndësi për Komunën e Prizrenit;
- *Teatër:* Prodhimi i shfaqjes, promovimi dhe pjesëmarrje e shfaqjes në festivale kombëtare dhe ndërkombëtare;
- *Kinematografi:* Film dokumentar, film i shkurtër, fuqizim i kinematografëve të rinj në ruajtjen e traditave lokale dhe trashëgimisë kulturore të Komunës së Prizrenit;
- *Art Vizual - Figurativ:* Krijimi i veprës së re, fuqizimi i artistëve të rinj, ekspozita të organizuara në hapësira publike;
- Mbështetja e aktiviteteve kulturore të personave me nevoja të veçanta;
- Mbështetja e aktiviteteve edukativo-kulturore për vetëdijesimin e ekstremizimit.

### *Në fushën e rinisë:*

#### **Synimet specifike:**

- Mbështetja e aktiviteteve rinore, promovimi i vullnetarizmit, integrimi i grupeve rinore dhe atyre të margjinalizuara, mbështetja e ideve-projekteve si dhe promovimi i talentëve;
- Edukimi jo formal: Trajnime, Punëtori, Debate, Hulumtime, për të rinjtë që ndikojnë drejtpërsëdrejti në nxitjen e aktiviteteve rinore dhe luftimin e dukurive negative tek të rinjtë;
- Mbështetja për përfshirjen sociale dhe organizimi i ngjarjeve promovuese dhe rekreative;
- Mbështetja e aktiviteteve rinore të personave me nevoja të veçanta.

## *Në fushën e sportit:*

U dedikohet subjekteve apo klubeve të Komunës së Prizrenit, që operojnë gjatë gjithë vitit dhe që posedojnë struktura të qarta udhëheqëse.

- a) Të gjithë të interesuarit, klube dhe OJQ;
- b) Të aplikojnë me një projekt në njërën prej fushave të poshtëshënuara.

### **Synimet specifike:**

- Masivizimi i sportit për të rinj, përkrahja e projekteve me qëllim të zhvillimit të aktiviteteve të sportit për të rinj në nivel lokal dhe rajonal;
- Edukimi i të rinjve përmes sportit (projekte edukative për grup-mosha të reja);
- Aktivitete edukative me qëllim të evitimit të dhunës dhe dukurive negative në sportit dhe kultivimi i vlerave fisnike të sportit.

2. **Vlerësimi i projekteve** do të bëhet nga një komision 5-anëtarësh, të cilët do t'i vlerësojnë projektet në bazë të kriterëve për vlerësim, sipas rregullores MF-NR 04/2017.

Kriteret vlerësuese shtesë janë: raporti paraprak narrativ dhe financiar, për projektin paraprak (raportet nevojiten vetëm për OJQ-të që nuk janë përfituese nga thirrja e parë publike);

Përparësi do të kenë projektet të cilat kanë aktivitete njëvjeçare dhe serioze në fushat e lartëcekura;

3. **Aplikimi** do të konsiderohet i plotë nëse përmban të gjitha format e aplikimit dhe anekset e detyrueshme siç kërkohet në thirrjen publike dhe dokumentacionin e thirrjes si në vijim:
  - Formulari i Aplikacionit për projekt/programin (e shtypur );
  - Formulari i deklaratës për mungesë të financimit të dyfishtë (e shtypur);

- Dokumenti identifikues;
  - Certifikata e regjistrimit OJQ;
  - Dëshmi që nuk ka obligime ndaj ATK-së jo më të vjetër se 3 muaj;
  - Raportin vjetor të punës 2021 (raporti nevojitet vetëm për OJQ-të që nuk janë përfituese nga thirrja e parë publike);
  - Dëshmi që ka dorëzuar raportin financiar dhe narrativ nga viti paraprak (nevojitet vetëm për OJQ-të që nuk janë përfituese nga thirrja e parë publike);
  - Konfirmim nga banka për xhirollogarinë e aplikuesit (e shtypur).
  - Çertifikatën që nuk jeni nën hetime (nga Gjykata Themelore ose Policia e Kosovës).
4. **Formulari për aplikim mund të merret në ueb-faqe të Komunës dhe mund të dorëzohen duke filluar nga data 27.09.2022 deri 17.10.2022.** Aplikacionet e dorëzuara pas afatit të paraparë nuk pranohen.

***Vlera e planifikuar e mbështetjes financiare për OJQ-të nga lëmia e Kulturës :***

Shuma e mbështetjes financiare, që mund të alokohet nga fusha e **kulturës** për projektet është deri në **40.000 €**.

***Vlera e planifikuar e mbështetjes financiare për OJQ-të nga lëmia e Sportit :***

Shuma e mbështetjes financiare, që mund të alokohet nga fusha e **sportit** për projektet është **deri në 50.000 €**;

***Vlera e planifikuar e mbështetjes financiare për OJQ-të nga lëmia e Rinisë :***

Shuma e mbështetjes financiare, që mund të alokohet nga fusha e **rinisë** për projektet është **deri në 10.000 €**

## **Kushtet e pergjithëshme për aplikim:**

1. OJQ-të në kuadër të kësaj thirrjeje mund të aplikojnë më së shumti me një projekt, për secilën nga fushat e thirrjes.
2. Të drejtë aplikimi kanë OJQ-të, që janë të regjistruara në regjistrin e organizatave Jo-Qeveritare në Republikën e Kosovës.
3. Aplikuesit duhet të dëshmojnë se programi i tyre i punës është i fokusuar në njërën nga fushat e aplikimit.
4. OJQ-të duhet po ashtu të kenë kryer transaksionet financiare në mënyrë transparente sipas legjislacionit për OJQ-të në Republikën e Kosovës dhe në përputhje me rregullat e kontabilitetit si dhe të kenë përmbushur detyrimet kontraktuale ndaj Komunës së Prizrenit - Drejtorisë së Kulturës Rinisë dhe Sportit dhe të gjithë ofruesve tjerë të mbështetjes financiare publike.
5. Gjatë aplikimit OJQ duhet të paraqesë prova se personi përgjegjës në OJQ dhe apo menaxheri i projektit nuk janë nën hetime për vepra penale, si dhe prova se OJQ-ja, ka zgjidhur çdo çështje të hapur rreth pagesës së kontributeve dhe tatimeve të papaguara, nëse është e aplikueshme.
6. Propozimet do të dorëzohen vetëm në formularët e paraparë, të cilat janë në dispozicion në faqen e internetit të ofruesit të mbështetjes financiare të Komunës së Prizrenit.
7. Dokumentet e kompletuara duhet të dërgohen personalisht, në adresën e mëposhtme:  
Komuna e Prizrenit,  
Drejtoria e Kulturës, Rinisë dhe Sportit,  
*Sporteli nr.1 në ndërtesën e Komunës,  
20000 Prizren.*
8. Procesi i pranimit, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i komenteve dhe kalendari tregues i zbatimit të thirrjes janë të detajuara.
9. Do të konsiderohen për mbështetje financiare vetëm projektet që janë pranuar brenda afatit të paraparë me thirrje publike, dhe të cilat i përmbushin plotësisht kushtet e përcaktuara të thirrjes publike.

## Vërejtje:

Projektet të cilat nuk i kanë të bashkangjitura dokumentet sipas kërkesës nuk do të merren parasysh nga Komisioni për shqyrtimin e kërkesave.

Shpenzimet e papranueshme përfshijnë: inventari, qiraja për zyre, komunalit si dhe nuk përkrahen projektet e OJQ-ve që mund të kenë ndikim politik, religjioz etj.

Komuna e Prizrenit nuk është e detyruar të ndajë të gjithë buxhetin e paraqitur në aplikacion.

Buxheti do të ndahet për projektet kualitative të vlerësuara nga komisioni përkatës.

Përparësi do të kenë OJQ-të të cilat nuk kanë përfituar mbështetje nga thirrja e parë publike.

Me respekt,

